




نظائر

داخلیه ناظر اسبقی فائق مدوح پاشا حضرت تارینک

غزل

یتیش ساقی که مجلس غیرت خلد برین اولسون
می پرشور آندہ لذت لالشاریین اولسون
برازده عالم اراجی سیران ایله مستانه
مصفا ساغر صہبا الکده دوریین اولسون
ایک داروی عشق ، طبرہ تاراج ایلمر ایمانی
بیلنمزدی سنک حسنک بلای عقل و دین اولسون
یا قارسک کوکلی ، آهمده هم آتش دیلرسک آم
بودر مقصود ظالم رنک و رویک آتشین اولسون
رجای وصل ایدر عاشق دکللی لطفک لایق
اولور اولماز دیمه ارتق امان ای نازنین اولسون
یوزم فرش ایلدم خاک درجانانہ یه (مدوح)
کوزم یوق عرش اعلاسنده جبرائیل امین اولسون



یشار شادی یک افندینک نظیره سی

غزل

نه کوکلم مظهر شادی ، نه بختم بہترین اولسون
بکا کافی جہانده خاطریم غمدن امین اولسون
کان ابرولرک تیر جفاسی برچکلمز درد
چکن ارباب عشقه حضرت مولی معین اولسون

سواد ابر خطکده منقش آیت تسخیر
 سلیمان زمانه مهر رخسارک نکین اولسون
 فلکده طارقه لازم اولان برنجام برساقی
 بوی نأمین ییدن املی نه سده آفرین اولسون
 دله برشعله جواله در هر جلوه حسنک
 نه ممکندر کوکل آزاده عشق وانین اولسون
 صاچار هر لحظه آغوش زمانه بیک کل اهباز
 نهال طبعمه انجوق موافق بر زمین اولسون
 وقاسز عاشقی ، صاحب وفا بردلبری (شادی)
 جهانده کور مردم بر کره حتی بیک یمین اولسون



محی الدین بک افندی بک نظیره سی

کوکل ایسترکه همیزم میم برنازین اولسون
 نشاطم رشک سکان سموات وزمین اولسون
 کوکل ایسترکه راز سرمدی عشقی فاش ایتسون
 مساعد بر زمان اولسون موافق بر زمین اولسون
 چک ای خونی ینه تیغ نکاه غیظی دهشته
 هب ارواح شهیدان عرشده وقف انین اولسون
 سهادن تیغ یاغسه طوتدیغم شهرای ترک ایتم
 تلون یوق مزاجده بنم ، دوران امین اولسون
 نه سود اولزسه انسان دیدمور ، ایسترسه برآنده
 بتون ارض وسما یکپاره بر نور مین اولسون
 اولوب بر بلبل شوق ایلسون کوکلم ترنملر
 نکاهم کلشن دیداردن اشکوفه چین اولسون